

Zgjedhjet Vendore Bulqize dhe Legjislacioni mbi Qeverisjen Vendore

Pas zgjedhjeve vendore te 2019, u konstituuan edhe Keshillat Bashkiake, krahas fitores se Kryetareve te Bashkive.

Keshilli Bashkiak Bulqize perbehet nga 21 Keshilltare, ku keshilltaret aktuale u betuan ne mbledhjen e pare te Keshillit Bashkiak ne Korrik 2019.

Keshilli perbehet nga nje larmishmeri sa i perket partive politike, te cilet kane siguruar mandate ne legjislaturen e re.

Atualisht Keshilli Bashkiak Bulqize perbehet nga perfaqesues te ketyre partive politike.

Bashkia BulqizëNumri Mandateve **21**

<u>Nr</u>	<u>Subjekti Zgjedhor</u>	<u>Mandate</u>
6	Partia Ora e Shqipërisë	0
8	Partia Komuniste e Shqipërisë	1
11	Partia Aleanca Arbnore Kombëtare	0
12	Partia Demokracia Sociale	1
13	Partia Kristian Demokrate	1
16	Partia e Gjelbër	1
17	Partia G99	1
18	Partia e Reformave Demokratike Shqiptare	1

**Zgjedhjet Vendore 2019**
Mandatet për Këshill

19	Partia Aleanca Demokristiane e Shqipërisë	1
20	Partia Socialpunëtore Shqiptare	1
21	Partia Aleanca për Demokraci dhe Solidaritet	1
24	Partia Aleanca Demokratike Shqiptare	2
26	Partia Ardhmëria Shqiptare	1
27	Partia Unitetit Kombëtar	2
29	Partia e të Drejtave të Mohuara	0
30	Partia Socialiste e Shqipërisë	7
36	Partia Bindja Demokratike	0

Per te njohur kandidatet e ketyre partive politike, ju lutem vizitoni linkun

<https://bulqiza.gov.al/anetaret-e-keshillit-bashkiak/>

Legjislacion vendor:

Qeverisja vendore funksionon mbi bazen e Kushtetutes, Dokumenteve nderkombetare te ratifikuara nga parlamenti (Karta Europiane e Autonomise Vendore), si dhe Ligjit per Qeverisjen vendore, qe sherben sin je lloj kushtetute vendore per ushtrimin e funksioneve dhe kompetencave te Bashkive dhe Keshillave Bashkiake.

Njësitet e vetëqeverisjes vendore janë bashkitë dhe qarqet, të cilat realizojnë vetëqeverisjen vendore në Republikën e Shqipërisë.

Bashkia është njësi bazë e vetëqeverisjes vendore.

Qarku është njësi e nivelit të dytë të vetëqeverisjes vendore.

Qarku përfaqëson një unitet administrativo-territorial, të përbërë nga disa bashki me lidhje gjeografike, tradicionale, ekonomike, sociale dhe interesa të përbashkët. Kufijtë e qarkut përputhen me kufijtë e bashkive që e përbëjnë atë. Qendra e qarkut vendoset në një nga bashkitë që përfshihen në të. Shtrirja territoriale, emri dhe qendra e qarkut përcaktohen me ligj.

Bashkia përfaqëson një unitet administrativo-territorial dhe bashkësi banorësh. Bashkitë, shtrirja territoriale, emri dhe qyteti qendër i saj përcaktohen me ligj.

Bashkite ne thelb kane transparencen dhe konsultimin publik, lidhjen e te zgjedhurve dhe zgjedhesve. Ligji e percakton qarte qe: Njësitet e vetëqeverisjes vendore garantojnë për publikun transparencën e veprimtarisë së tyre.

Bashkite sipas ligjit jane pergjegjese per ushtrimin e funksioneve ne fushen e;

- Infrastruktures

- Largimit te mbeturinave
- Dekorit public
- Furnizimit me uje te pijshem
- Planifikimit t eterrorit
- Transportit publik
- Varrezat publike
- Sherbimet social-kulturore
- Mbrotja e mjedisit
- Bujqesia dhe zhvillimi rural
- Zhvillimi ekonomik
- Siguria publike
- Ujitje dhe kullim
- Pyje dhe kullo
- Mbrojtja nga zjarri
- Arsimi
- Dhe rruget rurale

KESHILLI BASHKIAK eshte organi vendimmarres i Bashkise dhe eshte I zgjedhur sipas dispozitave te percaktuara ne Kodin Zgjedhor te Republikes se Shqiperise.

Mandati i Keshilltarit jepet me vendim te Keshillit Bashkiak dhe mund te humbase vetem ne rastet e parashikuara ne Nenin 49 te Ligjit 139/2015.

KESHILLI BASHKIAK

Detyrat dhe kompetencat:

- a) zgjedh nga përbërja e vet komisionet e këshillit dhe miraton rregulloren e brendshme të funksionimit të vet;
- b) zgjedh, duke respektuar ligjin për barazinë gjinore, kryetarin dhe zëvendëskryetarët e këshillit dhe i shkarkon ata; c) emëron dhe shkarkon sekretarin e këshillit bashkiak;

- ç) miraton nivelin e pagave e të shpërblimeve të punonjësve e të personave të tjerë, të zgjedhur ose të emëruar, në përputhje me legjislacionin në fuqi;
- d) miraton aktet e themelimit të ndërmarrjeve, shoqërive tregtare, si dhe të personave të tjerë juridikë që krijon vetë ose me të cilët është bashkëthemelues;
- dh) miraton buxhetin dhe ndryshimet e tij. Në vendimin për miratimin e buxhetit miraton, gjithashtu, edhe numrin e maksimal të punonjësve të bashkisë, si dhe të njësisve e institucioneve buxhetore në varësi të bashkisë; e) miraton tjetërsimin e pronave të tretëve;
- e/1) miraton dhënien në përdorim të pronave të tretëve ose dhënien për zhvillim të pronës nëpërmjet bashkëpunimit me subjekte private;
- ë) organizon dhe mbikëqyr kontrollin e brendshëm të bashkisë;
- f) vendos për taksat e tarifat vendore, sipas këtij ligji dhe legjislacionit tjetër në fuqi; g) vendos për marrjen e kredive dhe shlyerjen e detyrimeve ndaj të tretëve;
- gj) vendos për krijimin e institucioneve të përbashkëta me njësi të tjera të vetëqeverisjes vendore, përfshirë subjektin e kompetencave të përbashkëta ose me persona të tretë;
- h) vendos për fillimin e procedurave gjyqësore për çështje të kompetencës së vet;
- i) zgjedh përfaqësuesit e këshillit bashkiak në këshillin e qarkut, të cilët, në jo më pak se 50 për qind të tyre, duhet t'i përkasin gjinisë më pak të përfaqësuar;
- j) vendos për dhënien ose deklarimin e mbarimit të mandatit të këshilltarit, kur ekzistojnë kushtet e parashikuara në nenin 49 të këtij ligji;
- k) miraton norma, standarde e kritere për rregullimin dhe disiplinimin e funksioneve që i janë dhënë atij me ligj, si dhe për mbrojtjen e garantimin e interesit publik;
- l) vendos për simbolet e bashkisë; ll) vendos për emërtimin e rrugëve, shesheve, territoreve, institucioneve dhe objekteve në juridiksionin e bashkisë;
- m) jep tituj nderi dhe stimuj;
- n) vendos për rregullat, procedurat dhe mënyrat e realizimit të funksioneve të deleguara, në bazë dhe për zbatim të ligjit, me të cilin bëhet ky delegim te bashkia.

Nga ana tjetër edhe Kryetari i Bashkisë ushtron këto detyra dhe kompetenca:

- a) ushtron të gjitha kompetencat në kryerjen e funksioneve të bashkisë, me përjashtim të atyre që janë kompetencë vetëm e këshillit përkatës;
- b) zbaton aktet e këshillit;
- c) merr masa për përgatitjen e materialeve të mbledhjeve për këshillin bashkiak, në përputhje me rendin e ditës së përcaktuar nga këshilli, si dhe për probleme që kërkon ai vetë;
- ç) raporton në këshill për gjendjen ekonomiko-financiare të bashkisë dhe njësisë administrative përbërëse të paktën çdo 6 muaj ose sa herë kërkohet nga këshilli;
- d) raporton para këshillit sa herë kërkohet prej tij për probleme të tjera që kanë të bëjnë me funksionet e bashkisë;
- dh) është anëtar i këshillit të qarkut;
- e) emëron, duke respektuar ligjin për barazinë gjinore, zëvendëskryetarin/zëvendëskryetarët e bashkisë dhe i shkarkon ata;
- ë) emëron, duke respektuar ligjin për barazinë gjinore, administratorët e njësisë administrative /lagjeve dhe i shkarkon ata;
- f) vendos për emërimin ose shkarkimin e anëtarëve të organeve drejtuese të shoqërive tregtare në pronësi të bashkisë, si dhe drejtuesit e ndërmarrjeve e të institucioneve në varësi;
- g) emëron dhe shkarkon punonjësit e tjerë të strukturave dhe njësisë në varësi të bashkisë, përveç kur parashikohet ndryshe në ligjin për nëpunësin civil;
- gj) ushtron të drejtat dhe siguron plotësimin e të gjitha detyrimeve që i janë ngarkuar bashkisë si person juridik dhe është përfaqësuesi i saj në marrëdhëniet me të tretët;
- h) merr masa për kualifikimin dhe trajnimin e personelit të administratës, të institucioneve arsimore, sociale, kulturore e sportive;
- i) kthen për rishqyrtim jo më shumë se një herë në këshill vendime, kur vëren se ato cenojnë interesat e bashkësisë. Në rastin e kthimit të vendimit të këshillit nga kryetari i bashkisë, këshilli mund të miratojë të njëjtin vendim vetëm me shumicën e votave, në prani të më shumë se gjysmës së të gjithë anëtarëve;
- j) miraton strukturën, organikën e kategoritë /klasat e pagave për çdo pozicion të shërbimit civil dhe rregulloret bazë të administratës së bashkisë dhe të njësisë e institucioneve buxhetore në varësi të bashkisë, në përputhje me legjislacionin në fuqi;

k) emëron dhe shkarkon nëpunësit vendorë për barazinë gjinore;

l) kujdeset për mbledhjen dhe përpunimin e statistikave vendore, të ndara sipas gjinisë, dhe siguron publikimin e tyre.

Keshilli Bashkiak si dhe Kryetari i Bashkise jane njesi perberese te Bashkise dhe si te tilla punojne se bashku per te marre vendime dhe zbatuar ato ne funksion te vetem te interesit te qytetareve.